



Broj: 05/1-50-15-26-45-11/25
Sarajevo, 3.2.2025.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PROSLJEĐENO	03-02-2025		
Organizaciona jedinica	Klasifikaciona oznaka	Radni broj	Broj priloga
01.02	50-15	342/25	

8

PREDMET: Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2024. godinu

Poštovani,

U skladu sa članom 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH" broj 36/08) i članom 9. Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH" broj 93/09) Nezavisni odbor je na 45. sjednici održanoj 28. 1. 2025. godine usvojio Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2024. godinu i dostavlja ga Parlamentarnoj skupštini BiH na usvajanje.

S poštovanjem,

**PREDSJEDNIK
NEZAVISNOG ODBORA**
Enes Obralića

Prilog: Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2024. godinu na bosanskom, hrvatskom i srpskom jeziku

Dostavljeno:

- Naslovu
- a/a



Broj: 05/1-50-15-26-45-10/25

Sarajevo, 28. 1. 2025.

IZVJEŠTAJ

o radu Nezavisnog odbora kao nezavisnog tijela policijske strukture
Bosne i Hercegovine za 2024. godinu

Januar 2025. godine

SADRŽAJ

POGLAVLJE I. UVODNE NAPOMENE	3
POGLAVLJE II. NADLEŽNOSTI NEZAVISNOG ODBORA	4
POGLAVLJE III. IZVRŠAVANJE ZADATAKA IZ NADLEŽNOSTI NEZAVISNOG ODBORA.....	4
Odjeljak A. Realizacija zadataka održavanjem redovnih sjednica Nezavisnog odbora...5	
Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2024.	13
1. Posjeta Graničnoj policiji BiH, 30. 10. 2024.	14
2. Posjeta Direkciji za koordinaciju policijskih tijela BiH, 12. 12. 2024.	15
3. Posjeta Državnoj agenciji za istrage i zaštitu, 17. 12. 2024.	17
POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA.....	18
POGLAVLJE V. ADMINISTRATIVNO-TEHNIČKA PODRŠKA RADU.....	19
POGLAVLJE VI. PREPORUKE I ZAKLJUČCI.....	19

Na osnovu člana 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i člana 9. tačka e) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor je na 45. sjednici, održanoj 28. 1. 2025, usvojio i Parlamentarnoj skupštini Bosne i Hercegovine podnosi sljedeći

I Z V J E Š T A J
o radu Nezavisnog odbora kao nezavisnog tijela policijske strukture Bosne i Hercegovine za 2024. godinu

POGLAVLJE I. UVODNE NAPOMENE

Nezavisni odbor osnovan je Zakonom o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08), kao nezavisno tijelo Parlamentarne skupštine BiH.

Nezavisni odbor ima devet članova koji su imenovani na mandat od četiri godine odlukom Parlamentarne skupštine BiH („Službeni glasnik BiH“, broj 10/21).

Nezavisni odbor kao nezavisno tijelo policijske strukture BiH (u daljnjem tekstu: Nezavisni odbor) tijelo je Parlamentarne skupštine BiH s nadležnostima utvrđenim Zakonom o nezavisnim i nadzornim tijelima policijske strukture BiH („Službeni glasnik BiH“, broj 36/08) i Poslovníkom o radu Nezavisnog odbora („Službeni glasnik BiH“, broj 93/09). Na osnovu člana 5. st. (1) i (3) Zakona o nezavisnim i nadzornim tijelima policijske strukture BiH („Službeni glasnik BiH“, broj 36/08), Parlamentarna skupština BiH (Predstavnički dom na 16. sjednici, održanoj 3. 2. 2021, i Dom naroda na 15. sjednici, održanoj 10. 2. 2021), imenovala je novi saziv Nezavisnog odbora na mandat od četiri godine, i to:

1. Enes Obralića, predsjednik Nezavisnog odbora,
2. Miše Ćavar, prvi zamjenik predsjednika Nezavisnog odbora,
3. Uroš Pena, drugi zamjenik predsjednika Nezavisnog odbora (preminuo 2. 7. 2024),
4. Muhamed Mujakić, član Nezavisnog odbora,
5. Enes Bezdob, član Nezavisnog odbora,
6. Mate Miletić, član Nezavisnog odbora,
7. Nikola Džambas, član Nezavisnog odbora,

8. Darko Kremenović, član Nezavisnog odbora, i
9. Milan Stanić, član Nezavisnog odbora.

POGLAVLJE II. NADLEŽNOSTI NEZAVISNOG ODBORA

Nezavisni odbor je, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Nezavisnog odbora, nadležan za provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH odnosno Vijeću ministara BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH, ako su počinili krivično djelo, osim za krivična djela iz oblasti sigurnosti saobraćaja, ili ako počine tešku povredu službene dužnosti, kao i u slučaju ako utvrdi da ne postižu odgovarajuće rezultate, razmatranje pritužbi na rad rukovodilaca i zamjenika rukovodilaca policijskih tijela BiH i obavješćavanje o tome ministra sigurnosti BiH i Vijeće ministara BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, obradu podataka i vođenje evidencije u skladu sa zakonom i drugim propisima i ostale poslove propisane zakonom, Poslovníkom o radu i drugim propisima.

POGLAVLJE III. IZVRŠAVANJE ZADATAKA IZ NADLEŽNOSTI NEZAVISNOG ODBORA

Osnovna nadležnost Nezavisnog odbora je provođenje procesa odabira kandidata za rukovodioce i zamjenike rukovodilaca policijskih tijela BiH, te u vezi s tim objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH odnosno Vijeću ministara BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH.

U vezi s navedenim, Nezavisni odbor je u 2024. godini proveo i u okvirima svoje nadležnosti okončao proceduru odabira kandidata za izbor direktora Državne agencije za istrage i zaštitu te započeo proceduru odabira kandidata za zamjenika direktora Državne agencije za istrage i zaštitu.

Nezavisni odbor je u toku 2024. godine kontinuirano održavao komunikaciju s rukovodiocima policijskih agencija po svim bitnim pitanjima iz njihovog djelokruga, s posebnim naglaskom na aktivnosti koje su policijska tijela preduzimala u vezi s događanjima koja su izazivala veću medijsku pažnju.

Osim ove nadležnosti, Nezavisni odbor nadležan je i za predlaganje smjenjivanja rukovodilaca i zamjenika rukovodilaca policijskih tijela BiH, te iniciranje pokretanja disciplinskih postupaka protiv rukovodilaca policijskih agencija BiH.

Odjeljak A. Realizacija zadataka održavanjem redovnih sjednica Nezavisnog odbora

U izvještajnom periodu Nezavisni odbor održao je 12 redovnih sjednica na kojima je razmatrano ukupno 77 tački i četiri podtačke dnevnog reda.

Broj i datum održavanja sjednice	Broj razmatranih tačaka dnevnog reda na sjednici	Broj prisutnih članova sjednicama Nezavisnog odbora	Broj članova koji nisu bili prisutni sjednicama Nezavisnog odbora	Zakazivane pa otkazivane sjednice iz objektivnih razloga
33. sjednica - 24. 1. 2024. u 17.15	7	9		
34. sjednica - 6. 2. 2024. u 17.15	3	9		
35. sjednica - 19. 3. 2024. u 17.15	7	9		
36. sjednica - 20. 5. 2023. u 17.15	9	8	1	22. 4. 2024. i 26. 4. 2024.
37. sjednica - 3. 6. 2024. u 17.15	6	8	1	
38. sjednica - 15. 7. 2024. u 17.15	8	8		
39. sjednica - 1. 8. 2024. u 17.15	3	8		
40. sjednica - 9. 9. 2024. u 12.00	3	7	1	
41. sjednica - 9. 9. 2024. u 17.00	4	8		
42. sjednica - 30. 10. 2024. u 17.15	9	8		7. 10. 2024. i 14. 10. 2024.

43. sjednica - 26. 11. 2024. u 17.15	10	8		
44. sjednica - 12. 12. 2024.	8	8		

Nezavisni odbor je na sjednicama razmatrao pitanja iz svoje nadležnosti, od kojih izdvajamo:

Na 33. sjednici Nezavisnog odbora, održanoj 24. 1. 2024., jednoglasno je usvojen Izvještaj o posjeti članova Nezavisnog odbora Direkciji za koordinaciju policijskih tijela BiH koja je upriličena 4. 12. 2023, a u kojoj su bili: Enes Obralića, predsjednik Nezavisnog odbora, Mate Miletić i Milan Stanić, članovi Nezavisnog odbora. Također, jednoglasno je usvojen i Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2023. godinu koji je, u skladu s članom 7. stav (1) Zakona o nezavisnim i nadzornim tijelima policijske strukture Bosne i Hercegovine i članom 9. Poslovnika o radu Nezavisnog odbora kao nezavisnog tijela policijske strukture BiH, prosljeđen Parlamentarnoj skupštini BiH na usvajanje.

Dalje, razmatrane su predstavke koje je podnio D. P. nakon čega su jednoglasno usvojeni sljedeći zaključci:

ZAKLJUČAK

U skladu s članom 14. stav (2) Poslovnika o radu Nezavisnog odbora kao nezavisnog tijela policijske strukture BiH, Nezavisni odbor odbacuje predstavku kao neosnovanu.

ZAKLJUČAK

Nezavisni odbor nije nadležan za razmatranje i postupanje po predavci te je odbacuje.

Također, razmatrani su dopisi Direkcije za koordinaciju policijskih tijela BiH i Granične policije BiH, a u vezi sa izmjenama i dopunama Zakona o policijskim službenicima BiH, nakon čega je jednoglasno usvojen sljedeći

ZAKLJUČAK

Nezavisni odbor kao nezavisno tijelo Parlamentarne skupštine BiH je na 33. sjednici, održanoj 24. 1. 2024, razmatrao dopis Direkcije za koordinaciju policijskih tijela BiH, broj: 20-01-INT-127/23 od 23. 11. 2023, zaprimljen u Pisarnici Parlamentarne skupštine BiH

17. 1. 2024, broj: 05/1-50-17-2446/23, i dopis Granične policije BiH, broj: 17-05-50-3270/22 od 23. 1. 2024, zaprimljen u Pisarnici Parlamentarne skupštine BiH 23. 1. 2024, broj: 05/1-50-17-2446-1/23, kojim ovaj odbor obavještavaju o inicijativi za izmjenu Zakona o policijskim službenicima BiH („Službeni glasnik BiH“, br. 27/04, 63/04, 5/06, 33/06, 58/06, 15/08, 63/08, 35/09 i 7/12).

Nezavisni odbor podržava napore i inicijative i pruža punu podršku rukovodiocima policijskih organa s ciljem osiguranja potpunosti i jačanja policijskih agencija, uključujući i inicijative za izmjene i dopune zakonskih propisa.

Ovaj zaključak prosljeđen je kolegijima oba doma Parlamentarne skupštine BiH, o čemu su Ministarstvo sigurnosti BiH, Direkcija za koordinaciju policijskih tijela BiH i Granična policija BiH obaviješteni.

Na 34. sjednici Nezavisnog odbora, održanoj 6. 2. 2024, članovi Nezavisnog odbora jednoglasno su donijeli sljedeći

ZAKLJUČAK

Na sjednice Nezavisnog odbora pozivat će se rukovodstva policijskih agencija s ciljem sagledavanja njihovog rada kako slijedi: rukovodstvo Državne agencije za istrage i zaštitu na sjednicu Nezavisnog odbora u martu 2024, rukovodstvo Granične policije BiH na sjednicu Nezavisnog odbora u aprilu 2024. i rukovodstvo Direkcije za koordinaciju policijskih tijela BiH na sjednicu Nezavisnog odbora u maju 2024.

Na 35. sjednicu Nezavisnog odbora, koja je održana 19. 3. 2024, pozvani su Darko Čulum, direktor Državne agencije za istrage i zaštitu, i Zoran Galić, zamjenik direktora Državne agencije za istrage i zaštitu, kako bi s članovima Nezavisnog odbora razgovarali o trenutnom stanju u Državnoj agenciji za istrage i zaštitu, realiziranim aktivnostima, kao i o aktivnostima koje su planirane za naredni period. Razgovarali su o trenutnom stanju u Državnoj agenciji za istrage i zaštitu, rezultatima koje su ostvarili u prethodnom periodu, a posebno kada su u pitanju organizirani kriminal, borba protiv terorizma, trgovina ljudima i narkoticima, ilegalne migracije, zatim o problemima s kojima se susreću u radu, kadrovskoj potpunosti i prijemu novih policijskih službenika, te o Zakonu o policijskim službenicima BiH. Razgovarali su i o saradnji s Tužilaštvom BiH, kao i saradnji s drugim policijskim agencijama u Bosni i Hercegovini.

Dalje, primljena je k znanju evaluacija o studijskoj posjeti članova Nezavisnog odbora Republici Irskoj koja je putem programa TAIEX upriličena od 10. do 13. marta 2024.

Ramatrane su i predstavke E. M. i I. L, nakon čega je jednoglasno konstatirano da Nezavisni odbor nije stvarno nadležan za rješavanje predstavki te da se one stave *ad acta*.

Na 36. sjednicu Nezavisnog odbora, koja je održana 20. 5. 2024, pozvani su Mirko Kuprešaković, direktor Granične policije BiH, i Ensad Korman, zamjenik direktora Granične policije BiH, kako bi s članovima Nezavisnog odbora razgovarali o trenutnom stanju u Graničnoj policiji BiH, o realiziranim aktivnostima, kao i o aktivnostima planiranim za naredni period. Razgovarali su o trenutnom stanju u Graničnoj policiji BiH, rezultatima koje su ostvarili u proteklom periodu, a posebno kada je u pitanju organizirani kriminal, borba protiv terorizma, trgovina ljudima i narkoticima, ilegalne migracije, zatim o problemima s kojima se susreću u radu, kadrovskoj i nacionalnoj popunjenosti i prijemu novih policijskih službenika, o Zakonu o policijskim službenicima BiH i inicijativi da se u Zakonu ostavi mogućnost produženja radnog vijeka policijskim službenicima. Razgovarali su o novim pravilnicima koje su donijeli unutar ove policijske agencije kao i o novom Pravilniku o unutrašnjoj organizaciji i sistematizaciji radnih mjesta koji su sačinili, a koji je u upućen u daljnju proceduru Vijeću ministara BiH, a za koje je Ministarstvo finansija i trezora BiH već dalo saglasnost. Razgovarali su i o saradnji s Tužilaštvom BiH, saradnji s drugim policijskim agencijama u Bosni i Hercegovini kao i saradnji rukovodstva Granične policije BiH.

Na istoj sjednici upriličena je posjeta ambasadora Republike Irske NJ. E. Adriana Farrella koji je s članovima Nezavisnog odbora razgovarao o posjeti članova Nezavisnog odbora Republici Irskoj.

Dalje, jednoglasno je usvojena Odluka o raspisivanju javnog konkursa za provođenje procedure odabira kandidata za izbor direktora Državne agencije za istrage i zaštitu i tekst javnog konkursa.

Ramatrana je predstavka I. L, nakon čega je jednoglasno konstatirano da Nezavisni odbor nije stvarno nadležan za rješavanje predstavke te da se ona stavi *ad acta*.

Razmatrana je i predstavka Udruženja „Žena - žrtva rata“ Sarajevo, nakon čega su jednoglasno usvojeni sljedeći

ZAKLJUČCI

1. Potrebno je predmetnu predstavku proslijediti Državnoj agenciji za istrage i zaštitu na nadležnost i daljnje postupanje.

2. Potrebno je odgovoriti podnosiocu predstavke o postupanju Nezavisnog odbora po predstavci.

Također, razmatrane su predstavke Samostalnog sindikata policijskih službenika Granične policije, nakon čega je jednoglasno donesen zaključak da se one prosljede direktoru Granične policije BiH na očitovanje o podnosiocu predstavke, kao i o svim navodima iz predstavki.

Na 37. sjednicu Nezavisnog odbora, koja je održana 3. 6. 2024, pozvani su Enes Karić, direktor Direkcije za koordinaciju policijskih tijela BiH, i Đuro Knežević i Goran Amidžić, zamjenici direktora Direkcije za koordinaciju policijskih tijela BiH, a kako bi s članovima Nezavisnog odbora razgovarali o trenutnom stanju u Direkciji za koordinaciju policijskih tijela BiH, o realiziranim aktivnostima, kao i o aktivnostima planiranim za naredni period. Razgovarali su o trenutnom stanju u Direkciji za koordinaciju policijskih tijela BiH, aktivnostima koje su provodili i koje imaju namjeru provoditi u narednom periodu, kadrovskoj popunjenosti, unapređenju, odnosno činovanju policijskih službenika, o izradi novog pravilnika o unutrašnjoj organizaciji i sistematizaciji radnih mjesta, izmjeni Odluke o osobama i objektima koji se štite, o novom Zakonu o policijskim službenicima BiH, o problemu trajnog smještaja Direkcije za koordinaciju policijskih tijela BiH, te o saradnji s drugim policijskim agencijama u BiH. Rukovodstvo Direkcije za koordinaciju policijskih tijela BiH upoznalo je članove Nezavisnog odbora o tome kako sa sigurnosnog aspekta teku pripreme za obilježavanje 11. jula u Srebrenici. Formiran je Organizacioni odbor u kojem su i članovi iz Direkcije za koordinaciju policijskih tijela BiH, a Direkcija je ujedno i formirala svoj štab koji čine predstavnici svih organizacionih jedinica.

Razmatrano je očitovanje direktora Granične policije BiH na predstavke Samostalnog sindikata policijskih službenika Granične policije, nakon čega je jednoglasno usvojen sljedeći

ZAKLJUČAK

U skladu s članom 14. stav (2) Poslovnika o radu Nezavisnog odbora kao nezavisnog tijela policijske strukture BiH, Nezavisni odbor odbacuje predstavke kao neosnovane.

Dalje, razmatrana je Molba službenika za informiranje Parlamentarne skupštine BiH za dostavljanje podataka radi obrade zahtjeva prispjelog na osnovu Zakona o slobodi pristupa informacijama u BiH te je jednoglasno utvrđen i dostavljen odgovor.

Na 38. sjednici Nezavisnog odbora, održanoj 15. 7. 2024, članovi Nezavisnog odbora su minutom šutnje odali počast drugom zamjeniku predsjednika Nezavisnog odbora Urošu Peni koji je preminuo 2. 7. 2024. godine.

Na ovoj sjednici razmatrane su pristigle prijave na Javni konkurs za provođenje procedure odabira kandidata za izbor direktora Državne agencije za istrage i zaštitu. Konstatirano je da je blagovremeno pristiglo 7 prijava. Nakon uvida u pristigle prijave, članovi Nezavisnog odbora konstatirali su da su se na javni konkurs prijavili sljedeći kandidati: Zoran Savić, Goran Pisić, Milosav Savković, Vlado Jovanić, Slobodan Radinković, Darko Čulum i Ljubiša Pandurević. Sve prijave su blagovremene, potpune i one su prihvaćene u konkursnoj proceduri.

Na kraju, članovi Nezavisnog odbora dogovorili su se da u međuvremenu treba po službenoj dužnosti dopisom zatražiti od nadležnih ministarstava unutrašnjih poslova dokaz o neosuđivanju, nakon čega će kandidati biti pozvani na intervju.

Razmatrana je Infomacija Državne agencije za istrage i zaštitu u vezi s predmetom *Zoran Galić* nakon čega je jednoglasno usvojen sljedeći

ZAKLJUČAK

Potrebno je od Tužilaštva BiH zatražiti informaciju da li je donesena naredba o provođenju istrage protiv Zorana Galića, zamjenika direktora Državne agencije za istrage i zaštitu, a radi daljnjeg postupanja Nezavisnog odbora.

Ramatrana je predstavka M. B, nakon čega je jednoglasno konstatirano da Nezavisni odbor nije stvarno nadležan za rješavanje predstavke te da se ona stavi *ad acta*.

Na 39. sjednici Nezavisnog odbora, održanoj 1. 8. 2024, razmatrano je aktuelno stanje u Državnoj agenciji za istrage i zaštitu u vezi sa zamjenikom direktora Zoranom Galićem odnosno nekoliko pismena u vezi s tim: dopis Tužilaštva BiH kojim se tražila informacija da li je donesena naredba o provođenju istrage protiv Zorana Galića, zamjenika direktora Državne agencije za istrage i zaštitu; akt Generalnog sekretarijata Vijeća ministara BiH kojim traže od Nezavisnog odbora očitovanje o Zahtjevu za razrješenje dužnosti prije isteka mandata s radnog mjesta zamjenika direktora Državne agencije za istrage i zaštitu – na lični zahtjev, upućen putem opunomoćenika, Odvjetničkog društva Grizelj Čorluka d. o. o. iz Gruda; dopis Državne agencije za istrage i zaštitu, u kojem direktor ove institucije

obavještava Nezavisni odbor o hronologiji događaja u vezi sa slučajem zamjenika direktora Državne agencije za istrage i zaštitu Zorana Galića; Zahtjev Zorana Galića, zastupanog po Odvjetničkom društvu Grizelj Ćorluka d. o. o. Grude, za razrješenje dužnosti prije isteka mandata s radnog mjesta zamjenika direktora Državne agencije za istrage i zaštitu. Nakon rasprave, članovi Nezavisnog odbora jednoglasno su zaključili sljedeće: „Nezavisni odbor jednoglasno je zaključio da je, u skladu sa Zakonom o nezavisnim i nadzornim tijelima policijske strukture BiH i Poslovnikom o radu Nezavisnog odbora, stvarno nadležan da, kada ocijeni opravdanim, predloži smjenu i suspenziju rukovodioca ili zamjenika rukovodioca policijskog organa. U vezi s tim, predlažemo da Vijeće ministara BiH razmotri mogućnost smjene Zorana Galića s pozicije zamjenika direktora Državne agencije za istrage i zaštitu, istovremeno imajući u vidu da je Zoran Galić podnio zahtjev za razrješenje s pozicije zamjenika direktora Državne agencije za istrage i zaštitu, u skladu s članom 7. stav (5) tačka a) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) i članom 62. Zakona o policijskim službenicima BiH („Službeni glasnik BiH“, br. 27/04, 63/04, 5/06, 58/06, 58/06, 15/08, 50/08, 63/08, 35/09, 7/12 i 42/18 - odluka US).

Dalje, razmatrana je pritužba na rad direktora Državne agencije za istrage i zaštitu koju je podnio poslanik u Predstavničkom domu Parlamentarne skupštine BiH Šemsudin Mehmedović koja je nakon rasprave jednoglasno odbačena kao neosnovana.

Na 40. sjednici Nezavisnog odbora, održanoj 9. 9. 2024, obavljen je intervju s kandidatima koji su se prijavili i koji ispunjavaju uslove Javnog konkursa za provođenje procedure odabira kandidata za izbor direktora Državne agencije za istrage i zaštitu. Na intervju je, u skladu s članom 13. stav (1) Poslovnika o radu Nezavisnog odbora kao nezavisnog tijela policijske strukture BiH, pozvano sedam kandidata koji su se prijavili i koji ispunjavaju uslove Javnog konkursa za provođenje procedure odabira kandidata za izbor direktora Državne agencije za istrage i zaštitu: Darko Ćulum, Vlado Jovanić, Ljubiša Pandurević, Goran Pisić, Slobdan Radinković, Zoran Savić i Milosav Savković.

Intervjuu se odazvalo šest kandidata, dok je kandidat Zoran Savić odustao (nije pristupio intervjuu).

Na 41. sjednici Nezavisnog odbora, održanoj 9. 9. 2024, članovi Nezavisnog odbora utvrdili su konačnu rang-listu uspješnih kandidata prijavljenih na Javni konkurs za

provođenje procedure odabira kandidata za izbor direktora Državne agencije za istrage i zaštitu koja je, u skladu s članom 13. stav (2) Poslovnika o radu Nezavisnog odbora kao nezavisnog tijela policijske strukture BiH, dostavljena ministru sigurnosti BiH na daljnje postupanje.

R A N G - L I S T A

uspješnih kandidata za poziciju direktora Državne agencije za istrage i zaštitu

1. Darko Čulum (68,57 bodova)
2. Ljubiša Pandurević (67,85 bodova)
3. Slobodan Radinković (66,42 bodova)

Razmatrana je i Urgencija za postupanje po pritužbi i dopuna pritužbe na rad direktora Državne agencije za istrage i zaštitu poslanika u Predstavničkom domu Parlamentarne skupštine BiH Šemsudina Mehmedovića nakon čega su članovi Nezavisnog odbora jednoglasno donijeli zaključak da pritužba i dopuna pritužbe nije osnovana, a o čemu će podnosilac pritužbe biti pismeno obaviješten.

Razmatrano je i pitanje poslanice u Predstavničkom domu Parlamentarne skupštine BiH Sabine Čudić, nakon čega je jednoglasno utvrđen odgovor na poslaničko pitanje.

Na 42. sjednici Nezavisnog odbora, održanoj 30. 10. 2024, razmatrano je pitanje poslanika u Predstavničkom domu Parlamentarne skupštine BiH Šemsudina Mehmedovića, nakon čega je jednoglasno utvrđen odgovor na poslaničko pitanje.

Dalje, razmatran je dopis Predstavničkog doma Parlamentarne skupštine BiH kojim ovo tijelo obavještavaju da je Predstavnički dom Parlamentarne skupštine BiH na 22. sjednici, održanoj 22. 10. 2024, usvojio poslaničku inicijativu Sabine Čudić kojom Predstavnički dom Parlamentarne skupštine BiH zahtijeva od Nezavisnog odbora Parlamentarne skupštine BiH da Vijeću ministara BiH predloži smjenu zamjenika direktora Državne agencije za istrage i zaštitu Zorana Galića, nakon čega je jednoglasno utvrđen odgovor koji je prosljeđen Predstavničkom domu Parlamentarne skupštine BiH.

Razmatran je i dopis Generalnog sekretarijata Vijeća ministara BiH, odnosno Zaključak sa 62. sjednice Vijeća ministara BiH, a u kojem se pod tačkom 3. poziva Nezavisni odbor Parlamentarne skupštine BiH da raspiše javni oglas za provođenje procedure odabira kandidata za izbor zamjenika direktora Državne agencije za istrage i zaštitu.

Na 43. sjednici Nezavisnog odbora, održanoj 26. 11. 2024, jednoglasno je usvojena Odluka o raspisivanju Javnog konkursa za provođenje procedure odabira kandidata za izbor zamjenika direktora Državne agencije za istrage i zaštitu.

Razmatrano je i pitanje poslanika u Predstavničkom domu Parlamentarne skupštine BiH Jasmina Emrića nakon čega je jednoglasno utvrđen odgovor na poslaničko pitanje. Jednoglasno je usvojen Izvještaj o posjeti članova Nezavisnog odbora Graničnoj policiji BiH koja je upriličena 30. 10. 2024, a u kojoj su bili: Muhamed Mujakić, Nikola Džambas i Milan Stanić, članovi Nezavisnog odbora.

Dalje, razmatrana je predstavka Samostalnog sindikata policijskih službenika Granične policije BiH, nakon čega je jednoglasno, u skladu s članom 14. stav (2) Poslovnika o radu Nezavisnog odbora, usvojen zaključak da se predstavka odbaci kao neosnovana. Razmatrane su i predstavke I. L. i S. S, nakon čega je jednoglasno konstatirano da Nezavisni odbor nije stvarno nadležan za rješavanje predstavki te da se one stave *ad acta*.

Na 44. sjednici Nezavisnog odbora, održanoj 12. 12. 2024, jednoglasno je usvojen tekst Javnog konkursa za provođenje procedure odabira kandidata na poziciju zamjenika direktora Državne agencije za istrage i zaštitu. Jednoglasno je usvojen i Plan rada Nezavisnog odbora kao nezavisnog tijela policijske strukture Bosne i Hercegovine za 2024. godinu. Razmatrane su i predstavke B. M, I. L. i S. S, nakon čega je jednoglasno konstatirano da Nezavisni odbor nije stvarno nadležan za rješavanje predstavki te da se one stave *ad acta*.

Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2024. godinu

Planom rada Nezavisnog odbora za 2024. godinu predviđeno je održavanje pojedinačnih sastanaka s rukovodstvom Direkcije za koordinaciju policijskih tijela BiH, Državne agencije za istrage i zaštitu i Granične policije BiH. Cilj ovih sastanaka je uvid u rad i upoznavanje s problemima s kojima se u radu susreću rukovodioci policijskih agencija BiH. Nezavisni odbor obavlja zadatke iz svoje nadležnosti i putem izvještaja o radu koji dostavlja Parlamentarnoj skupštini BiH na razmatranje i usvajanje informira je o problemima u radu policijskih agencija BiH iz svoje nadležnosti.

Nezavisni odbor je u 2024. godini, u skladu s članom 18. Poslovnika o radu Nezavisnog odbora i Planom rada Nezavisnog odbora za 2024. godinu, obavio posjete:

Posjete	Datum posjete
Graničnoj policiji BiH	30. 10. 2024.
Direkciji za koordinaciju policijskih tijela BiH	12. 12. 2024.
Državnoj agenciji za istrage i zaštitu	17. 12. 2024.

1. Granična policija BiH, 30. 10. 2024.

Sastanak članova Nezavisnog odbora kao nezavisnog tijela policijske strukture BiH s direktorom Granične policije BiH Mirkom Kuprešaković, zamjenikom direktora Granične policije Ensadom Kormanom i pomoćnikom direktora za organizaciju i operacije Veljkom Lazićem održan je 30. 10. 2024. u prostorijama Granične policije BiH. U ime Nezavisnog odbora sastanku su prisustvovali: Muhamed Mujakić, Nikola Džambas i Milan Stanić, članovi Nezavisnog odbora, te Ivana Lovrić, sekretarka Nezavisnog odbora.

U uvodu u razgovor direktor Granične policije istaknuo je da je ovo najveća i najmnogobrojnija policijska agencija koja se u zadnje vrijeme najviše bori i suprotstavlja problemu legalne i ilegalne migracije. Istaknuo je da pokrivaju 1600 km granice, četiri aerodroma, granice na kopnu, na rijekama i moru i za sve to trebaju obučeni i osposobljeni policijski službenici.

Direktor je istaknuo da je za godinu i po njegovog mandata započeto i okončano 18 konkursa. Trenutno je u toku konkurs za novih 150 policijskih službenika. Istaknuo je da je veliki interes za ova radna mjesta i da je prijavljenih bilo oko 950 kandidata. Plan je da se svakih deset mjeseci, koliko traje školovanje kadeta, primi novih 150 policijskih službenika kako bi se barem donekle nadomjestio njihov veliki nedostatak. Istaknuo je i da su Agenciji za školovanje i stručno usavršavanje kadrova predlagali da se poveća broj kadeta sa 150 na barem 200 kako bi što prije nadomjestili nedostatak policijskih službenika jer na novih 150 policijskih službenika 250 ih ode u penziju.

Direktor je istaknuo da je jedna od mogućnosti da se smanji broj nedostajućih policijskih službenika izmjena Zakona o policijskim službenicima BiH gdje bi se predvidjela mogućnost da policijskom službeniku koji je ispunio jedan od uslova za odlazak u penziju direktor omogući produženje radnog vijeka na određeni period na njegov zahtjev i uz ljekarski pregled. Ovaj prijedlog podržale su i druge policijske agencije na nivou BiH. Trenutno je taj prijedlog u Ministarstvu sigurnosti BiH.

Kada je riječ o Pravilniku o unutrašnjoj organizaciji i sistematizaciji radnih mjesta u Graničnoj policiji BiH, direktor je upoznao članove Nezavisnog odbora da je novi prijedlog pravilnika dobio pozitivno mišljenje Ureda za zakonodavstvo, Ministarstva finansija i trezora BiH i Ministarstva pravde BiH te da se sada samo čeka njegovo usvajanje na Vijeću ministara BiH.

Direktor je upoznao članove Nezavisnog odbora o tome da se uskoro otvara novi granični prijelaz Gradiška, ali s manjim brojem policijskih službenika. Istaknuo je i da dolaze u poziciju da, zbog nedostatka policijskih službenika, zatvore pojedine granične prijelaze.

Dalje, direktor je istaknuo i da su dobili značajna sredstva od donacija za vozila i za osiguranje graničnih prijelaza. Dobili su i jedan brod od Ambasade Sjedinjenih Američkih Država u BiH.

Kada je riječ o eksternom premještanju policijskih službenika iz drugih agencija, direktor je istaknuo da Zakonom o policijskim službenicima BiH nije predviđena takva mogućnost, ali da su oni prepoznali taj problem i prijedlog za izmjene Zakona uputili Ministarstvu sigurnosti BiH.

Kada je riječ o saradnji s drugim institucijama, rukovodstvo Granične policije BiH istaknulo je da je ona dobra, te da sa Službom za poslove sa strancima imaju potpisan sporazum o saradnji. Sve migrante Granična policija BiH preuzima, zatim ih preda Službi za poslove sa strancima na daljnju biometrijsku obradu.

Rukovodstvo je upoznao članove Nezavisnog odbora i da je u toku nabavka novih ljetnih i zimskih uniformi za policijske službenike, a naknadno je u planu da se mijenjaju i svečane uniforme.

Na kraju su članovi Nezavisnog odbora naglasili da će idalje, u okviru svojih nadležnosti, pružati podršku radu Granične policije BiH i poželjeli im mnogo uspjeha.

2. Direkcija za koordinaciju policijskih tijela, 12. 12. 2024.

Sastanak članova Nezavisnog odbora kao nezavisnog tijela policijske strukture BiH s direktorom Direkcije za koordinaciju policijskih tijela BiH Enesom Karićem i zamjenikom direktora Direkcije za koordinaciju policijskih tijela BiH Đurom Kneževićem održan je 12. 12. 2024. u prostorijama Direkcije za koordinaciju policijskih tijela BiH. U ime Nezavisnog odbora sastanku su prisustvovali: Miše Ćavar, prvi zamjenik predsjednika

Nezavisnog odbora, Enes Bezdob i Milan Stanić, članovi Nezavisnog odbora, te Ivana Lovrić, sekretarka Nezavisnog odbora.

Direktor Direkcije za koordinaciju policijskih tijela BiH (u daljnjem tekstu: Direkcija) na početku sastanka upoznao je članove Nezavisnog odbora o značajnim aktivnostima koje su imali u proteklom periodu, kao i o problemima s kojima se susreću u radu.

Istaknuo je da su posebno zadovoljni novim Pravilnikom o uslovima nabavke i načinu korištenja službenih vozila u institucijama Bosne i Hercegovine donesenim 2023. godine, a kojim je Direkcija za koordinaciju policijskih tijela BiH na raspolaganje dobila veći broj vozila. Inače, vozni park Direkcije bio je u katastrofalnom stanju. Trenutno je u proceduri i nabavka 16 specijaliziranih vozila te bi za otprilike tri mjeseca Direkcija trebala imati završeni vozni park. U saradnji s Centralnom bankom nabavljena su i dva specijalizirana vozila za prijevoz sigurnosnih pošiljki.

Za potrebe Jedinice za intervenciju i podršku, a u saradnji s JU „Studentski centar“, u čijoj zgradi su pod zakupom, pristupili su renoviranju i opremanju teretane, kao i tuš-kabina za muškarce i žene. U odnosu na prethodni period kada su imali na raspolaganju po jedan tuš, sada imaju sedam za žene i pet za muškarce. Direktor je istaknuo i da su potpisali sporazum s Centrom „Safet Zajko“ o korištenju vanjskih i unutrašnjih poligona, kao i o korištenju streljane.

Što se tiče pitanja trajnog smještaja Direkcije, kako u centrali tako i u regionalnim uredima, direktor je istaknuo da je pitanje smještaja u Banjoj Luci riješeno, a u Tuzli se trenutno provode aktivnosti na rješavanju. Kada je centralni ured u Sarajevu u pitanju, uskoro će ponovo pokrenuti inicijativu prema Vijeću ministara BiH za rješavanje trajnog smještaja Direkcije. Tri su moguća scenarija: prvi je kupovina zemljišta i izgradnja objekta iz temelja, drugi je pronalazak novog objekta za kupovinu, a treći je etažiranje sadašnjeg objekta u kojem se nalaze i da se tu trajno smjeste.

S obzirom na to da Direkcija osigurava Memorijalni centar Potočari, trenutno su u pregovorima da se i tamo riješi smještaj policijskih službenika.

Direktor je istaknuo da veliki problem predstavlja nedostatak policijskih službenika. Prema važećem Pravilniku o unutrašnjoj organizaciji i sistematizaciji radnih mjesta, predviđeno je 1.268 policijskih službenika, a trenutno ih je 817. Do kraja godine njih 14 ide u penziju, a 2025. godine 84 policijska službenika ispunit će uslove za penziju. Nedostatak policijskih službenika odražava se na svim poljima, ali smatraju da bi se na nekim lokacijama, kao što su Memorijalni centar Potočari ili migrantski kampovi, to moglo prevazići kvalitetnim

videonadzorima koji detektiraju svaki pokret. Također, direktor je istaknuo da je jedna od mogućnosti da se smanji broj nedostajućih policijskih službenika izmjena Zakona o policijskim službenicima BiH kojom bi se predvidjela mogućnost da policijskom službeniku koji je ispunio jedan od uslova za odlazak u penziju direktor omogući produženje radnog vijeka na određeni period na njegov zahtjev i uz ljekarski pregled. Ovaj prijedlog podržale su i druge policijske agencije na nivou Bosne i Hercegovine.

U izradi je i novi Pravilnik o unutrašnjoj organizaciji i sistematizaciji radnih mjesta koji će podrazumijevati drugačiju prekompoziciju. Rađena je analiza upražnjenih radnih mjesta te će u narednom periodu uslijediti proces unapređenja za sve upražnjene pozicije osim pozicija glavni inspektor, a što će biti u januaru 2025. godine.

U razgovoru s članovima Nezavisnog odbora direktor je istaknuo da ima izuzetno dobru saradnju s drugim policijskim agencijama u BiH. Poseban akcenat je na saradnji s Graničnom policijom BiH kojoj pružaju konstantnu podršku u obavljanju poslova granične kontrole.

Na kraju su članovi Nezavisnog odbora naglasili da će idalje, u okviru svojih nadležnosti, pružati podršku radu Direkcije za koordinaciju policijskih tijela BiH i poželjeli im mnogo uspjeha.

3. Državna agencija za istrage i zaštitu, 17. 12. 2024.

Sastanak članova Nezavisnog odbora kao nezavisnog tijela policijske strukture BiH s direktorom Državne agencije za istrage i zaštitu Darkom Čulumom održan je 17. 12. 2024. u prostorijama Državne agencije za istrage i zaštitu. U ime Nezavisnog odbora sastanku su prisustvovali: Mate Miletić i Enes Bezdob, članovi Nezavisnog odbora, te Ivana Lovrić, sekretarka Nezavisnog odbora.

Direktor Državne agencije za istrage i zaštitu Darko Čulum na početku je ukratko upoznao članove Nezavisnog odbora o realiziranim aktivnostima, aktivnostima koje su planirane za naredni period, kao i o problemima s kojima se susreću u radu.

Govorio je o aktivnostima koje provode zajedno s policijskim agencijama unutar BiH i policijskim agencijama izvan BiH, o krivičnim djelima po kojima postupaju, o pojedinim akcijama, čak i njihovim operativnim radnjama. Istaknuo je da je saradnja s policijskim agencijama unutar BiH izuzetno dobra.

Prezentirana je popunjenost odnosno djelimična popunjenost Državne agencije za istrage i zaštitu, ali ona ne predstavlja problem u njihovom postupanju. Trenutno su u proceduri za prijem 15 kadeta u činu policajac i 15 u činu mlađi inspektor.

Direktor je istaknuo da je jedna od mogućnosti da se smanji broj nedostajućih policijskih službenika izmjena Zakona o policijskim službenicima BiH gdje bi se predviđela mogućnost da policijskom službeniku koji je ispunio jedan od uslova za odlazak u penziju direktor omogući produženje radnog vijeka na određeni period na njegov zahtjev i uz ljekarski pregled. Ovaj prijedlog podržale su i druge policijske agencije na nivou BiH.

Istaknuo je i da su izmjene i dopune Pravilnika o unutrašnjoj organizaciji i sistematizaciji radnih mjesta, kojim se između ostalog predviđa formiranje novog Odjela za terorizam, upućene Vijeću ministara BiH. Također, izmjene Zakona o Državnoj agenciji za istrage i zaštitu su davno upućene prema Vijeću ministara BiH.

Što se tiče izgradnje baze za smještaj i obuku Specijalne jedinice, direktor je istaknuo da je Državna agencija za istrage i zaštitu osigurala sredstva za tu namjenu u iznosu od 8 mil. KM. U proceduri je izgradnja baze na lokaciji Pavlovac, prošla je tenderska procedura. Između ostalog, baza će sadržavati sportsku dvoranu, terene za trčanje, heliodrom...

Na upit članova Nezavisnog odbora kakva je saradnja s Europolom i kontakt-tačkom za koju svi znamo da je u Ministarstvu sigurnosti BiH, direktor je istaknuo da je zadovoljan saradnjom i da su uvijek dvije osobe iz Državne agencije za istrage i zaštitu na raspolaganju za saradnju.

Članovi Nezavisnog odbora dali su punu podršku radu Državne agencije za istrage i zaštitu, posebno u predmetima organiziranog kriminala, ilegalnih migracija, krijumčarenja opojnih droga i oružja.

Članovi Nezavisnog odbora na kraju su naglasili da će Nezavisni odbor, u okviru svojih nadležnosti, nastaviti pružati podršku radu Državne agencije za istrage i zaštitu te poželjeli mnogo uspjeha u daljnjem radu ove agencije.

POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA

Najave svih sjednica Nezavisnog odbora se blagovremeno dostavljaju predstavnicima OHR-a i Ambasadi Sjedinjenih Američkih Država u Bosni i Hercegovini čiji su predstavnici prisustvovali većini sjednica Nezavisnog odbora.

Sve sjednice Nezavisnog odbora pratili su i zaposleni u Sektoru za odnose s javnošću Sekretarijata Parlamentarne skupštine BiH. Javnost se može upoznati s radom Nezavisnog odbora i putem akata koje je ovaj odbor usvajao i putem zapisnika, jer su objavljeni na internetskoj stranici Parlamentarne skupštine BiH. Na ovaj način osigurana je transparentnost rada Nezavisnog odbora.


POGLAVLJE V. ADMINISTRATIVNO-TEHNIČKA PODRŠKA RADU

Zajednička služba Sekretarijata Parlamentarne skupštine BiH je, prema Zakonu o nezavisnim i nadzornim tijelima policijske strukture u BiH, zadužena da pruža svu administrativno-tehničku podršku radu Nezavisnom odboru. Zajednička služba osigurala je potrebne uslove za rad Nezavisnog odbora angažiranjem stručnog osoblja, ali i osiguravanjem materijalno-tehničkih i drugih uslova za nesmetan rad.


POGLAVLJE VI. PREPORUKE I ZAKLJUČCI

Nezavisni odbor realizirao je programske aktivnosti planirane u 2024. godini, a u skladu sa Zakonom o nezavisnim i nadzornim tijelima policijske strukture Bosne i Hercegovine. Nezavisni odbor predlaže Parlamentarnoj skupštini BiH da usvoji Izvještaj o radu Nezavisnog odbora kao nezavisnog tijela policijske strukture u BiH za 2024. godinu.

**PREDSJEDNIK
NEZAVISNOG ODBORA**



Enes Obratija



PRILOG: Tabelarni prikaz održanih sjednica i prisustvo članova Nezavisnog odbora u 2024. godini

**TABELARNI PRIKAZ ODRŽANIH SJEDNICA I PRISUSTVA ČLANOVA
SJEDNICAMA NEZAVISNOG ODBORA ZA 2024. GODINU**

Broj i datum održavanja sjednice	Ime i prezime člana Nezavisnog odbora									
	Enes Obraliija	Miše Čavar	Uroš Pena	Enes Bezdob	Muhamed Mujakić	Mate Mihetić	Nikola Džambas	Darko Kremenović	Milan Stanić	
33. sjednica 24.1.2024.	+	+	+	+	+	+	+	+	+	+
34. sjednica 6.2.2024.	+	+	+	+	+	+	+	+	+	+
35. sjednica 19.3.2024.	+	+	+	+	+	+	+	+	+	+
36. sjednica 20.5.2024.	+	+	Opravdano odsutan	+	+	+	+	+	+	+
37. sjednica 3.6.2024.	+	+	Opravdano odsutan	+	+	+	+	+	+	+
38. sjednica 15.7.2024.	+	+		+	+	+	+	+	+	+
39. sjednica 1.8.2024.	+	+		+	+	+	+	+	+	+
40. sjednica 9.9.2024.	+	+		Opravdano odsutan	+	+	+	+	+	+
41. sjednica 9.9.2024.	+	+		+	+	+	+	+	+	+
42. sjednica 30.10.2024.	+	+		+	+	+	+	+	+	+
43. sjednica 26.11.2024.	+	+		+	+	+	+	+	+	+
44. sjednica 12.12.2024.	+	+		+	+	+	+	+	+	+